


Tohi Tapu ma'ae fanau
'oku fakahoko

'I he Fa'u 'e he 'Otuá
'a e Me'a Kotoa



Tohi 'e: Edward Hughes

Tā Fakatātā 'a: Byron Unger; Lazarus
Alastair Paterson

Fakalahi 'e: Bob Davies; Tammy S.

Liliu 'e: www.christian-translation.com

Produced by: Bible for Children
www.M1914.org

©2020 Bible for Children, Inc.

Laiseni: 'Oku ke ma'u 'a e totonu ke hiki pe paaki 'a e talanoá ni,
ka 'oku 'ikai ha'o ngofua ke ke fakatau atu ia.



Ko hai na'á ne ngaohi kitautolu? Ko e Tohi Tapú,
ko e Folofola 'a e 'Otuá, 'oku tala ai 'a e tupu'anga
'o e tangatá. 'I he kuo hilí, ne ngaohi 'e he 'Otuá
'a e fuofua tangatá 'o ne ui ia ko 'Atama. Ne
fakatupu 'e he 'Otuá 'a 'Atama mei he efu 'o e
kelekelé. Na'e fakamanava'i 'e
he 'Otuá 'a 'Atamá 'aki
e manava 'o e mo'ui.

Na'e ofo
'a 'Atama 'i ha
feitu'u na'e
ui ko 'Iteni.




Ki mu'a pea Ne fakatupu 'a 'Atamá, na'e fakatupu 'e
he 'Otuá ha mamani faka'ofa'ofa na'e fonu ai ha
ngaahi me'a faka'ofa kehekehe. Ne fakatupu 'e he
'Otua 'a e ngaahi feitu'u mo'ungá mo e ngaahi feitu'u
toafa musié; ko e ngaahi kakala ngangatú mo e ngaahi
'akau lalahí, ngaahi manu puna lanu huhulu

mo e ngaahi hone,

ngaahi tofua'á mo e 'elili vaó. 'Io, na'e
fakatupu 'e he 'Otua
'a e me'a kotoa pē.




'I he kamata'angá, ki
mu'a pea fakatupú, ne
'ikai ha me'a ka ko e
'Otuá pē. 'Ikai ha
kakai pe ko ha ngaahi
feitu'ú. Ne 'ikai ha
me'a. 'Ikai ha mama
pea 'ikai ha fakapo'uli.
'Ikai ha mā'olunga pe
ma'ulalo. 'Ikai ha
'aneafi pe 'apongipongi.
Ko e 'Otuá pe. Pea ne
ngaue leva 'a e 'Otuá!



Na'e fakatupu 'e he
'Otuá 'i he kamata'angá 'a
e langí mo e mamani.



Pea na'e fuofuonoa 'a
mamani mo lala. Pea
na'e fakapo'uli 'a e
funga 'o e lolotó.
Pea folofola 'a
e 'Otuá: "Ke
maama."



Pea na'e maama ai. Pea na'e ui 'e he 'Otuá 'a e
maama ko e 'Aho pea ne ui 'a e po'uli ko e Pō. Pea
ko e efiáfí mo e pongipongí ko e 'uluaki 'aho ia.



'I he 'aho hono uá, ne fakataha'i ai 'e he 'Otuá 'a e ngaahi vaí 'i he lalo langí. 'I he 'aho hono tolú, na'e folofola ai e 'Otuá, "Ke hā mai 'a e kelekele mōmoá." Pea ne hoko ia.



Na'e toe fekau'i 'e he 'Otuá ke tupu 'a e mohuku
mo e 'akau 'oku fua, mo e ngaahi 'akau ūki.
Pea na'a nau tupu. Pea ko e efiافی
mo e pongipongi ko e
'aho hono tolú ia.



Ne ngaohi leva 'e he 'Otuá 'a e
la'á, 'a e mahiná, pea mo e ngaahi
fetu'ú ta'efa'alaua. Pea ko e
efiafí mo e pongipongí ko e 'aho
hono fā ia.



Hoko mai leva 'a e fanga iká
mo e fanga manu puna 'o e
'ataá. 'I he 'aho hono nimá,
na'á Ne fakatupu ai 'a
e hakulaá mo e fanga
'ulukauú, ko e fu'u 'ositalesi
mo e fanga manu puna īki.
Na'e ngaohi 'e he 'Otuá 'a e
fanga ika kehekehé ke nau
ma'u 'a e ngaahi vai 'o mamani
pea mo e manu puna kehekehe
ke nau fiefia 'i he fonuá mo e
moaná mo e 'ataá. Pea ko e
efiafí mo e pongipongí ko
e 'aho hono nimá ia.



Hili ko iá, ne toe folofola 'a e 'Otuá 'o pehē, "Ke tupu mei he fonuá 'a e me'a mo'uí..." Ne fakatupu leva 'a e fanga manu kehekehe mo e fanga inisekite mo e manu ngaoló. Ne 'iai e fanga 'elefānite mo e piivá. Ko e fanga ngelí mo e kalokatailé. Ko e kelemutú mo e kumā. Ko e fanga silafí mo e pusí. 'I he 'aho ko iá, ne fakatupú 'e he 'Otuá 'a e fa'ahinga manu kotoa pē.

Pea ko e efiáfí mo e pongipongí ko e 'aho hono onó ia.



'I he 'aho hono onó, ne fakahoko leva 'e he 'Otua ha ngaue makehe. Ne maau eni 'a e me'a kotoa ma'ae Tangatá. Kuo 'iai 'a e me'a kai 'i he ngoue'angá pea mo e fanga manu ke ngaue ange ma'ana. Pea folofola

'a e 'Otuá, "Ke tau ngaohi e tangatá 'i hotau tatau pea ke nau pule ki he ngaahi me'a kotoa pē 'i he mamani." Pea ne ngaohi 'e he 'Otuá 'a e tangatá 'i hono tataú.



Na'e folofola ange
'a e 'Otuá kia
'Atama. "'E ngofua
'a ho'o kai mei he
'akau kotoa pē 'i he
ngoué. Ka 'oua te
ke kai mei he 'akau
'o e 'ilo 'o e lelei mo
e kovi. Kapau te ke
kai mei he 'akau ko
iá, ko e mo'oni, t
eke mate."



Pea na'e folofola 'a e 'Eikí, "'Oku 'ikai lelei ke toko taha pē 'a e tangatá. Te u ngaohi kiate ia ha tokoni 'oku taau mo ia.'" Ne 'omi 'e he 'Otua 'a e

fanga manu puna mo e fa'ahinga manu lalahi kotoa pē kia 'Atama pea ne fakahingoa kinautolu hono kotoa. Kuo pau pē na'a ne poto ke ne lava 'o fai ia. Ka neongo iá, ne 'ikai pē ha hoa fe'unga ma'a 'Atama.



Ne tuku 'e he 'Otua kia 'Atama ha mohe ma'u. Na'a
Ne to'o hono hui vakavaka 'e taha 'o Ne ngahoi mei ai
'a e fefine. Ko e fefine na'e ngaohi 'e he 'Otuá ko ha
hoa taau ia ma'a 'Atama.



Na'e fakatupu 'e he 'Otuá 'a e me'a
kotoa pē 'i ha ngaahi 'aho 'e ono. Na'á Ne
tapuaki'i leva 'a e 'aho hono fitú ko ha 'aho
mālōlō. 'I he Ngoue ko 'Itení, na'e nofo
haohaoa 'a 'Atama mo 'Ivi, ko hono malí,
'i he'ena tauhi ki he 'Otuá. Na'e hoko
'a e 'Otuá ko hona 'Eiki, Tauhi,
pea mo hona Kaungāme'a.



'I he Fa'u 'e he 'Otuá 'a e Me'a Kotoa

Ko ha Talanoá mei he Folofola 'o e 'Otuá,
ko e Tohi Tapú

'oku ma'u ia 'i he

Sēnesi 1-2

"Ko e hū mai 'a Ho'o Folofolá 'oku ne 'omi 'a e
maamá." Saame 119:130



Ko e
Ngata'angá



Ko e talanoa ko 'ení 'oku fekau'aki ia mo ha 'Otua fakaofa
na'á Ne ngaahi kitautolu pea 'okú ne 'Afio ke ke 'ilo'i Ia.

'Oku 'afio'i 'e he 'Otua kuo tau fai ha ngaahi me'a 'oku kovi, 'a ia
'oku Ne ui ko e faiangahala. Ko e fua 'o e faiangahalá ko e mate ka
na'á Ne 'ofa pehe 'iate koe na'á Ne fekau mai hono 'Alo ko Sisú ke
Ne pekia he kolosí mo fua ho ngaahi angahalá. Hili ko iá, ne toe
tu'u 'a Sisú pea Ne foki ki 'api, ki Hevani. Kapau te ke tui kia Sisú
'o kole kiate Ia ke Ne fakamolemole'i ho ngaahi angahalá, te Ne
fai ia! Te Ne nofo 'iate koe, pe te ke nofo mo Ia 'o ta'engata.

Kapau 'okú ke tui ko e mo'oní ení, lotu 'aki 'eni kihe 'Otuá:
'E Sisú, 'oku ou tui ko e 'Otuá koe, pea na'ake hoko ko ha tangata
ke Ke pekia koe'uhi ko 'eku ngaahi angahalá pea 'okú Ke toe mo'ui.
Hū mai mu'a ki hoku mo'uí pea fakamolemole'i hoku ngaahi
angahalá koe'uhi ke u ma'u ha mo'ui fo'ou pea 'iai ha 'aho ke
u nofo ai mo Koe 'o ta'engata. Tokoni mai ke u muimui kiate
Koe 'o mo'ui ma'au ko ho tama si'i. 'Emeni.

Lau e Tohi Tapu 'o talanoa mo e 'Otua he 'aho kotoa! Sione 3:16

